

**PARLAMENT FEDERACIJE  
SARAJEVO**

Broj: **05-02-4-1097/23**  
Mostar, 24.07.2023.godine

Primljeno: 11-08-2023			
Org. jed.	Broj	Priloga	Vrijednost
05/1	- 02 -	195	/23

Bosna i Hercegovina  
Federacija Bosne i Hercegovine  
PARLAMENT FEDERACIJE BiH  
PREDSTAVNIČKI DOM PARLAMENTA  
n/r g-din, Ivan Miličević, tajnik  
n/r g-đa Amra Junuzović Kaljić, poslanik

VLADA FEDERACIJE BiH  
n/p g-đa, Edita Kalajdžić, sekretar Vlade

Predmet: **Zastupničko pitanje/inicijativa, odgovor dostavlja se**

Poštovani,

U prilogu akta Vlade Federacije Bosne i Hercegovine, broj: 03-04-791-11/2023 od 10.07.2023. godine, dostavljeno nam je zastupničko pitanje, koje je na 7. vandrednoj sjednici Predstavničkog doma Parlamenta Federacije Bosne i Hercegovine, održanoj 06.07.2023. godine, postavila uvaženi poslanik Amra Junuzović Kaljić.

**Pitanje/inicijativa glasi:**

**Za izmjene i dopune procedura o izdavanju energetske dozvole, uklanjanjem neophodnosti usvajanja Energetske dozvole na oba doma Parlamenta Federacije.**

**Odgovor:**

Shodno Vašoj predloženoj inicijativi i obrazloženju koje ste naveli se najsrdačnije zahvaljujemo i ujedno Vas želimo informisati o aktivnostima Federalnog ministarstva energije, rudarstva i industrije, a koje se odnose na predmetno.

Naime u postupku pribavljanja građevinske dozvole za izgradnju novih i rekonstrukciju postojećih elektroenergetskih objekata investitori trebaju ishoditi Energetsku dozvolu.

Energetska dozvola je upravni akt koji izdaje Federalno ministarstvo energije, rudarstva i industrije investitoru u postupku dobivanja potrebnih dozvola za izgradnju proizvodnog elektroenergetskog objekta.



Po odredbama člana 78. st. (3) i (6) Zakona o električnoj energiji u Federaciji Bosne i Hercegovine („Službene novine Federacije BiH“, br. 66/13, 94/15, 54/19, 01/22 i 61/22 – u daljem tekstu Zakon) i člana 23. stav (3) Uredbe o postupku, kriterijumu, formi i sadržaju zahtjeva za izdavanje energetske dozvole za izgradnju novih i rekonstrukciju postojećih proizvodnih postrojenja ("Službene novine Federacije BiH", broj: 27/14) propisano je da za izgradnju novih i rekonstrukciju postojećih proizvodnih elektroenergetskih objekata koji su iz nadležnosti Federacije BiH i čija je instalisana snaga veća od 30 MW, Energetsku dozvolu izdaje Federalno ministarstvo energije, rudarstva i industrije uz prethodno pribavljenu saglasnost Vlade Federacije BiH i Parlamenta Federacije BiH.

Važeći Zakon je dao značajan doprinos razvoju sektora električne energije u Federaciji BiH, ali od 2013. godine od kada je usvojen do danas Bosna i Hercegovina se kao članica Energetske zajednice, obavezala implementirati niz propisa iz pravnog okvira EU i tako nastaviti proces liberalizacije tržišta električne energije i energetske tranzicije ka čistoj energiji. Također jedan od bitnih razloga za donošenje **novog zakona** je i **pojednostavljenje administrativnih postupaka za izgradnju i rad proizvodnih postrojenja koja koriste obnovljive izvore energije, primarno solarnih elektrana i vjetroelektrana.**

Federalno ministarstvo energije, rudarstva i industrije je u saradnji sa USAID-om provelo detaljnu analizu pravnog okvira za investiranje u izgradnju energetske infrastrukture u Federaciji BiH. Cilj ovih aktivnosti bio je identifikovanje pravnih i drugih prepreka sa kojima se susreću investitori prilikom izgradnje energetskih postrojenja, te predložiti konkretne mjere kako bi se unaprijedio sistem izdavanja dozvola za izgradnju objekata i popravio ukupan investicioni ambijent u Federaciji BiH.

Provedene aktivnosti rezultirale su dokumentom *Analiza pravnog okvira i preporuke za otklanjanje prepreka za investiranje u sektoru energije u FBiH*. Kada je u pitanju sektor električne energije, navedene analize ukazale su na to da je s ciljem poboljšanja investicionog ambijenta potrebno znatno smanjiti administrativno opterećenje investitora, pojednostaviti postupke izdavanja svih dozvola, te naročito osigurati pojednostavljene procedura za izgradnju proizvodnih postrojenja koja koriste obnovljive izvore energije.

Novi zakon o električnoj energiji sadrži odredbe kojima se značajno unapređuje i pojednostavljuje postupak ishođenja dozvola za izgradnju proizvodnih objekata, što se ogleda u sljedećem:

- Oslobođanje od obaveze pribavljanja energetske dozvole – za objekte koji su instalisane snage manje od 1 MW;
- Oslobođanje od obaveze pribavljanja akta o usaglašenosti projektne dokumentacije sa odredbama Zakona o električnoj energiji;
- Oslobođanje od obaveze pribavljanja dozvole za obavljanje djelatnosti za proizvodne objekte instalisane snage manje od 1 MW;
- Uvođenje pojednostavljene procedure priključenja na mrežu;
- Uvođenje sistema certifikacije instalatera solarnih elektrana i vjetroelektrana.

Predložena rješenja značajno rasterećuju administrativne postupke i olakšavaju izgradnju proizvodnih objekata koji koriste obnovljive izvore energije, naročito kada su u pitanju solarne elektrane i vjetroelektrane male instalisane snage koje u pravilu koriste građani.

Po novom zakonu Ministarstvo donosi pravilnik kojim se detaljnije uređuju kriteriji za izgradnju novih elektrana, postupak izdavanja energetske dozvole, forma i sadržaj zahtjeva, te druga pitanja od značaja za izdavanje energetske dozvole gdje više neće biti potrebna saglasnost Parlamenta Federacije BiH.

S poštovanjem,



**Dostaviti:**

- Naslovu,
- evidenciji i
- a/a